



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

33. De conversione infidelium

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

per Professionem jure solum Ecclesiastico, quia nec jure naturali, nec immediatè jure divino positivo solvi probatur.

TITULUS XXXIII.

De Conversione infidelium.

Q. Un. Quid de conversis ad fidem h. t. statuatur?

Resp. 1. Si conjux infidelis strictè talis, scilicet non baptizatus baptismum suscipiat & ita ad fidem convertatur, altero in infidelitate remanente, potest factus fidelis infideli parte dimissâ, licet matrimonium inter illos fuerit consummatum nubere alteri fideli. *c. 7. de divort.* non tamen per ipsum statim baptismum, sed dum actu ad secundas nuptias transitur, prius matrimonium dissolvitur. *c. 8. de divort.* & si talis infidelis plures habuerit uxores, cæteris dimissis primam solum, si & ipsa convertatur, retinere debet. *arg. tit. c. 8.* modò non fuerit matrimonium inter ipsos de jure naturæ nullum. Item, si conjugum unus convertitur ad fidem, sive is pater, sive mater sit, altero nolente converti, proles communis assignanda est converso, si doli nondum est capax. *c. fin. h. t.*

Resp. 2. Statuitur impedimentum dirimens, ut, si infidelis & fidelis in mortem conjugis sunt machinati, ut conjuge hoc sublato inter se contrahant matrimonium, hoc sit nullum, licet infidelis convertatur ad fidem. *c. 1. h. t.*

TITU.